



MUCHANAN A SOBRESALI DEN CALYPSO & ROADMARCH INFANTIL Y HUBENIL



Dobel participacion tabatin su influencia positivo

"King Size" ta retene su titulo di Rey di Roadmarch Hubenil



TANTO e parti infantil como hubenil tabatin un participacion mas grandi compara cu aña pasa, di 12 pa 24 participante total. Esey a percura pa un publico mas grandi den Aruba Entertainment Center, pa apoya nan cantante preferi. Exquirit Band a compaña e muchanan, mientras cu mayoria tabatin un "mentor" cu ta un di e cantantenan adultonan cu ta participa den nos Caiso & Soca Monarch.

Despues di un competencia pisa riba escenario, e ganadonan a resulta, den categoria di "Calypso infantil", Princess Aphrica na di 3 lug, sigui pa King ZQ na di 2 lug y King Jamahni cu su calypso "Dios cuida nos" como ganado absoluto. Den categoria "Roadmarch infantile", na di 5 lug a keda Prins Xenon, sigui na di 4 lug pa King Z, na di

3 lug Queen Aphrica, na di 2 lug Singin Chendra y como ganado a resulta "Dancing Princess" cu "Jump on the bus".

Pa loko ta trata e hobennan, den categoria hubenil, den seccion di calypso, na di 3 lug a keda Queen Ivy, na di 2 lug King Size y como ganado "Jeeda" cu su Calypso "O". Den categoria di "Roadmarch Hubenil", na di 5 lug a keda Golden Tiger, sigui na di 4 lug pa Jeeda, na di 3 lug Might J, na di 2 lug Mighty Blondy y como Rey di Roadmarch Hubenil, e hoben King Size a retene su corona, cu e roadmarch "60 kipevel".

Pa mas informacion di SAC y di tur evento di carnaval, subi Facebook, riba e pagina facebook.com/stichtingarubaan-secarnaval.

